



**Broj: 01-21/24**  
**Vareš, 31.01.2024. godine**

Na osnovu člana 22. Statuta Općine Vareš – prečišćeni tekst, broj: 01-162/12 od 11.09. 2012. godine, Općinsko vijeće Vareš na 32. sjednici održanoj 31.01.2024. godine, donosi

**O D L U K U**  
**o dodjeli sredstava vjerskim zajednicama**  
**sa područja općine Vareš**

**Član 1.**

Ovom Odlukom dodjeljuju se sredstva vjerskim zajednicama sa područja općine Vareš.

Sredstva se osiguravaju u Budžetu Općine Vareš – ekonomski kod: 614311 u iznosu od 9.000,00 KM (slovima: devet hiljada konvertibilnih maraka).

**Član 2.**

Sredstva iz člana 1. ove Odluke vjerske zajednice koriste za sanaciju, rekonstrukciju i adaptaciju vjerskih objekata, spomen-obilježja, mezarja/grobalja i drugih objekata u svom vlasništvu.

**Član 3.**

Sredstva iz člana 1. ove Odluke Općinski načelnik će dodjeljivati u toku fiskalne godine prema pisanim zahtjevima vjerskih zajednica.

Zahtjev mora biti detaljno obrazložen uz obavezno navođenje jednog od elemenata iz člana 2. ove Odluke uključujući i iznos traženih finansijskih sredstava.

O dodjeli sredstava Općinski načelnik donosi Zaključak i potpisuje ugovor sa vjerskom zajednicom o dodjeli sredstava.

**Član 4.**

Vjerske zajednice su dužne izvršiti pravdanje i dostaviti izvještaj o utrošku sredstava dodijeljenih u toku fiskalne godine.

Izvještaj i pravdanje iz stava 1. ovog člana se dostavljaju Službi za privredu, finansije i trezor Općine Vareš najkasnije do 15. marta naredne fiskalne godine.

Vjerskim zajednicama koje ne postupe u skladu sa odredbama ovog člana, neće biti odobrena sredstva u narednoj fiskalnoj godini.

**Član 5.**

Za realizaciju ove Odluke zadužuju se Općinski načelnik, Služba za privredu, finansije i trezor i Služba za opću upravu, društvene djelatnosti i boračko-invalidsku zaštitu.

**Član 6.**

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA  
OPĆINSKOG VIJEĆA**

**Mahira Brkić**

Odluka objavljena na oglasnoj tabli Općine Vareš dana 01.02. 2024. godine.

**OPĆINSKI NAČELNIK**

**Zdravko Marošević**

**O b r a z l o ž e n j e**  
**Odluke o dodjeli sredstava vjerskim zajednicama**  
**sa područja općine Vareš**

**1. Pravni osnov**

Pravni osnov za donošenje ove Odluke sadržan je u člana 22. Statuta Općine Vareš – prečišćeni tekst, broj: 01-162/12 od 11.09. 2012. godine

**2. Razlog za donošenje**

Donošenjem ove Odluke ispoštovat će se odredbe člana 22. Statuta Općine Vareš – prečišćeni tekst, broj: 01-162/12 od 11.09. 2012. godine.

**3. Finansijska sredstva**

Za sprovođenje ove Odluke sredstva će se osigurati u Budžetu Općine Vareš – ekonomski kod: 614311 u iznosu od 9.000,00 KM (slovima: devet hiljada konvertibilnih maraka).

PREDLAGAČ:  
**OPĆINSKI NAČELNIK**

**Zdravko Marošević**